



საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის
წ ა რ მ ო მ ა დ გ ე ნ ლ ო ბ ი თ ი ს ა ბ ჭ ო

გ ა დ ა წ ყ ვ ე ტ ი ლ ე ბ ა №02

ქ.ბათუმი

07 ნოემბერი, 2018 წელი

საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთათვის ავთანდილ ბარათაშვილის სახელობის სტიპენდიის დანიშვნისა და გაცემის წესის დამტკიცების თაობაზე

„უმაღლესი განათლების შესახებ“ საქართველოს კანონის მე-18 მუხლის, ბსუ-ს წესდების მე-10 მუხლის, ბსუ-სა და ავთანდილ ბარათაშვილს შორის 2018 წლის 20 სექტემბერს დადებული ახალი ხელშეკრულებისა და წარმომადგენლობითი საბჭოს რეგლამენტის საფუძველზე წარმომადგენლობითმა საბჭომ

გ ა დ ა წ ყ ვ ე ტ ა

1. დამტკიცდეს ბსუ-ს სტუდენტთათვის ავთანდილ ბარათაშვილის სახელობის სტიპენდიის დანიშვნისა და გაცემის თანდართული წესი (დანართი 1).
2. ძალადაკარგულად იქნეს ცნობილი „სსიპ - შოთა რუსთაველის სახელმწიფო უნივერსიტეტის სტუდენტთათვის ავთანდილ ბარათაშვილის სახელობის სტიპენდიების დანიშვნისა და გაცემის წესის დამტკიცების თაობაზე ბსუ-ს წარმომადგენლობითი საბჭოს 2011 წლის 29 სექტემბრის №4 გადაწყვეტილება.
3. წინამდებარე გადაწყვეტილება გამოქვეყნდეს ბსუ-ს ვებგვერდზე (ველებში „საუნივერსიტეტო ნორმატიული აქტები“ და „სტუდენტის გზამკვლევი“).
4. წინამდებარე გადაწყვეტილება სტუდენტთათვის საჯარო გამოცხადების მიზნით გავრცელდეს სტუდენტური პორტალისა და სასწავლო პროცესის ელექტრონული მართვის სისტემის მეშვეობით.
5. გადაწყვეტილება სახელმძღვანელოდ და აღსასრულებლად დაეგზავნოს ბსუ-ს მართვის ორგანოებს და ყველა სტრუქტურულ ერთეულს.
6. გადაწყვეტილება ძალაშია ხელმოწერისთანავე.

წარმომადგენლობითი საბჭოს სპიკერი,

პროფესორი

დ. ბარათაშვილი

„დამტკიცებულია“ ბსუ-ს წარმომადგენლობითი საბჭოს
2018 წლის 07 ნოემბრის N02 გადაწყვეტილებით

საჯარო სამართლის იურიდიული პირის - ბათუმის შოთა რუსთაველის სახელმწიფო
უნივერსიტეტის სტუდენტთათვის ავთანდილ ბარათაშვილის სახელობის სტიპენდიის
დანიშვნისა და გაცემის წესის დამტკიცების თაობაზე

თავი I

ძირითადი დებულებანი

მუხლი 1. ზოგადი დებულებანი

1. წინამდებარე წესი ადგენს საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის (შემდეგში „ბსუ“ ან „უნივერსიტეტი“) სტუდენტებისათვის ავთანდილ ბარათაშვილის სახელობის სტიპენდიის (შემდეგში „სტიპენდია“) დანიშვნისა და გაცემის პროცედურებს.

2. სტიპენდია ენიშნება კონკურსის წესით შერჩეულ, უმაღლესი აკადემიური განათლების პირველი და მეორე საფეხურის საგანმანათლებლო პროგრამების აქტიური სტუდენტის სტატუსის მქონე 8 (რვა) სტუდენტს, სწავლების მეორე წლიდან (მესამე სემესტრიდან), ყოველთვიურად 190 (ასოთხმოცდაათი) ლარის ოდენობით.

3. სტიპენდიის დანიშვნის მიზანია იმ სტუდენტის წახალისება და შეღავათის დაწესება, რომელიც დარეგისტრირებულია სოციალურად დაუცველ პირთა ერთიან ბაზაში და შესაბამისი საგანმანათლებლო პროგრამით გათვალისწინებულ დისციპლინებში, „საშუალო შეწონილი“ ფურმულით კონკურსის გამოცხადებამდე, წინა სემესტრებში, მიღებული აქვს 71 ქულა და მეტი (საშუალო შეწონილის გამოთვლის ფორმულა:

$$\frac{A^1 \times B^1 + A^2 \times B^2 \dots}{A^1 + A^2 \dots}$$

A- საგნის კრედიტი, B - შეფასების ქულა).

4. სტიპენდია ინიშნება შესაბამისი წლის ოქტომბრიდან მომდევნო წლის თებერვლის ჩათვლით პერიოდისათვის (5 თვე). თუკი სტუდენტის მონაცემები დააკმაყოფილებს ამ წესის მოთხოვნებს, სტიპენდიის გაცემა გაგძელდება ერთჯერადად, მომდევნო წლის მარტიდან ივლისის ჩათვლით პერიოდისათვის (მომდევნო 5 თვე).

5. სტიპენდია თითოეულ სემესტრში გაიცემა ერთჯერადად, სტიპენდიის გაცემის თაობაზე სამართლებრივი აქტის გამოცემიდან არაუგვიანეს 10 სამუშაო დღისა.

6. სტიპენდია არ ენიშნება:

- ა) ბსუ-ს სტუდენტის სტატუსშეჩერებულ/სტატუსშეწყვეტილ პირს;
- ბ) აკადემიური დავალიანების მქონე სტუდენტს (გარდა იმ სტუდენტისა, რომელსაც ბსუ-ს გაცვლითი პროგრამაში მონაწილეობის გამო, დადგენილ ვადაში ასათვისებელი აქვს ბსუ-ს საგანმანათლებლო პროგრამით გათვალისწინებული კრედიტები);
- გ) სტუდენტს, რომელსაც შესრულებული აქვს საგანმანათლებლო პროგრამების მოთხოვნები და მიენიჭა შესაბამისი აკადემიური ხარისხი;
- დ) დამატებითი სასწავლო სემესტრის (ვადაგაგრძელებულ) სტუდენტს.

7. სტუდენტს, რომელსაც უკვე დანიშნული აქვს ბსუ-ს რომელიმე სახის სტიპენდია, მასზე გაიცემა იმ სახის სტიპენდია, რომელსაც თავად განსაზღვრავს (წერილობითი განცხადება წარმოდგენილი უნდა იქნეს სტიპენდიის დანიშვნის აქტის გამოცემიდან არაუგვიანეს 2 სამუშაო დღისა).

მუხლი 2. კონკურსის გამოცხადება და საკონკურსო დოკუმენტაცია

1. სასწავლო წლის დაწყებიდან არაუგვიანეს 45 დღის ვადაში სტიპენდიანტების შესარჩევი კონკურსი ცხადდება რექტორის ბრძანებით და შესაბამის განცხადებასთან ერთად ქვეყნდება ბსუ-ს ვებგვერდზე და ფაკულტეტების საინფორმაციო დაფებზე, კონკურსანტთა განაცხადებების მიღების დაწყებამდე არანაკლებ 3 (სამი) სამუშაო დღით ადრე.

2. საკონკურსო განცხადებების მიღების ვადა განისაზღვრება არანაკლებ 5 (ხუთი) სამუშაო დღით, ხოლო კონკურსი უნდა ჩატარდეს კონკურსის გამოცხადების აქტის გამოცემიდან არაუგვიანეს 20 კალენდარული დღისა (რეკომენდებულია კონკურსი ჩატარდეს და შედეგები განისაზღვროს ადმინისტრაციული რეგისტრაციის გაუვლელი გამო სტუდენტის სტატუსის შეჩერების აქტის გამოცემამდე).

3. კონკურსის გამოცხადების შესახებ განცხადება უნდა შეიცავდეს შემდეგ ინფორმაციას:

ა) სტუდენტის განაცხადისა და საკონკურსო დოკუმენტაციის წარმოდგენის ვადა და ადგილი;

ბ) წარმოსადგენი საკონკურსო დოკუმენტაციის ნუსხა;

გ) კონკურსის პირობები (შესარჩევ კრიტერიუმებს, რაც დადგენილია წინამდებარე წესის პირველი მუხლით);

დ) კონკურსის საბოლოო შედეგების გამოქვეყნების ვადა.

მუხლი 3. საკონკურსო განცხადების და დოკუმენტაციის წარდგენის წესი

1. კონკურსანტის მიერ წარმოდგენილი უნდა იქნეს საკონკურსო განაცხადი და დოკუმენტაცია ერთ ეგზემპლარად.

2. საკონკურსო დოკუმენტაცია (წინამდებარე წესის დანართი 1-ით გათვალისწინებული ნუსხა) უნდა მოიცავდეს:

ა) სტუდენტის განცხადება კონკურსში მონაწილეობის შესახებ (წინამდებარე წესის დანართი 2-ის შესაბამისად შედგენილი);

ბ) სტუდენტის ავტობიოგრაფია (CV) (წინამდებარე წესის დანართი 3-ის შესაბამისად შედგენილი);

გ) სოციალურად დაუცველ პირთა ერთიან ბაზაში სტუდენტის რეგისტრაციის დამადასტურებელი ცნობა (გაცემული უნდა იყოს უფლებამოსილი სამსახურის მიერ, კანონმდებლობით დადგენილი წესით, საკონკურსო დოკუმენტაციის წარმოდგენის ვადის ამოწურვამდე 2 თვის ვადაში);

დ) სტუდენტის პირადობის მოწმობის ასლი;

ე) ცნობა სტუდენტის სტატუსისა და აკადემიური მოსწრების შესახებ;

- ვ) არანაკლებ ერთი რეკომენდაცია ბსუ-ს აკადემიური თანამდებობის პირისაგან (რომელიც კარგად იცნობს სტუდენტის აკადემიურ აქტივობას);
- ზ) სტუდენტის მიერ გამოქვეყნებული ნაშრომის/პულიკაციის დედანს ან დამოწმებულ ასლი (ასეთის არსებობის შემთხვევაში);
- თ) სამეცნიერო ღონისძიებაში (კონფერენცია, სემინარი, სიმპოზიუმი და სხვ.) მონაწილეობის დამადასტურებელი დიპლომის, სიგელის, სერტიფიკატის და სხვ. დედანს ან ნოტარიულად დამოწმებული ასლი (ასეთის არსებობის შემთხვევაში).
3. საკონკურსო განცხადებების (დოკუმენტაციის) მიღებასა და რეგისტრაციას (მიღების თარიღის, დროის და საკონკურსო დოკუმენტაციის ფურცლების რაოდენობის მითითებით) აწარმოებს შესაბამისი ფაკულტეტის დეკანის ოფისის სპეციალისტი.
4. განაცხადი (საკონკურსო დოკუმენტაცია) ფაკულტეტის ოფისის სპეციალისტის მიერ მიიღება მხოლოდ კონკურსის გამოცხადების შესახებ აქტით განსაზღვრულ ვადაში, რომლის დასრულების შემდეგ მიღება-ჩაბარების აქტით მიღებულ დოკუმენტაციას გადასცემს საკონკურსო კომისიას.
5. კონკურსანტს უფლება აქვს განაცხადების (საკონკურსო დოკუმენტაციის) მიღების ვადის დასრულებამდე წარმოადგინოს მის მიერ უკვე წარმოდგენილ განაცხადში (საკონკურსო დოკუმენტაციაში) ცვლილებების/დამატებების შეტანის თაობაზე განცხადება (ასეთ შემთხვევაში, დოკუმენტების მიღების სარეგისტრაციო ჟურნალში გაკეთდება შესაბამისი ჩანაწერი).

მუხლი 4. საკონკურსო კომისიის შემადგენლობა და მუშაობის წესი

1. ბსუ-ს რექტორის ბრძანებით იქმნება სტიპენდიანტთა შესარჩევი საკონკურსო კომისია. კომისიას თავმჯდომარეობს რექტორის მოადგილე (სასწავლო პროცესის მიმართულებით).
2. კომისიის სხდომებს უძღვება კომისიის თავმჯდომარე, ხოლო მისი არყოფნის შემთხვევაში - კომისიის თავმჯდომარის მოადგილე, რომელიც აირჩევა ღია კენჭისყრით, ხმათა უმრავლესობით, კომისიის პირველივე სხდომაზე. კომისიის მდივანი აირჩევა იმავე წესით პირველივე სხდომაზე.
3. კომისიის სხდომები დახურულია. კომისია უფლებამოსილია, თუ მას ესწრება სიითი შემადგენლობის უმრავლესობა.
4. კომისიის ყოველ წევრს აქვს ერთი ხმის უფლება. კენჭისყრის შედეგად ხმების თანაბრად გადანაწილების შემთხვევაში გადამწყვეტია კომისიის თავმჯდომარის ხმა.
5. კომისიის სხდომა იმართება გამოცხადებული კონკურსის ვადების შესაბამისად. გადაწყვეტილებას კომისიის სხდომის მოწვევის შესახებ იღებს კომისიის თავმჯდომარე. საჭიროების შემთხვევაში კომისიის თავმჯდომარეს უფლება აქვს მოიწვიოს კომისიის რიგგარეშე სხდომა.

6. საკონკურსო კომისია:

- ა) პირველივე სხდომაზე ისმენს შესაბამისი ფაკულტეტის დეკანის ოფისის სპეციალისტის მოხსენებას შემოსული საკონკურსო განცხადებებისა და დოკუმენტაციის შესახებ და მიღება-ჩაბარების აქტის საფუძველზე იბარებს მათ;

ბ) პირველ ეტაპზე ამოწმებს წარმოდგენილი საკონკურსო დოკუმენტაციის სისრულეს, მათ ფორმალურ და შინაარსობრივ შესაბამისობას წინამდებარე წესით დადგენილ მოთხოვნებთან;

გ) პირველ ეტაპზე დოკუმენტაციის შემოწმების დასრულების შემდგომ ადგენს იმ კონკურსანტების სიას, რომელთა საკონკურსო დოკუმენტაცია არ ექვემდებარება განხილვას ამ წესის მოთხოვნებთან შეუსაბამობის გამო და იღებს გადაწყვეტილებას მათი კონკურსიდან მოხსნის თაობაზე (საოქმო გადაწყვეტილების შესახებ სამსახურებრივი ბარათით ეცნობება ბსუ-ს რექტორს და ინფორმაცია კონკურსიდან მოხსნილი პირების შესახებ განთავსდება ბსუ-ს ვებგვერდზე);

დ) კონკურსის გამოცხადების შესახებ სამართლებრივი აქტით განსაზღვრულ ვადებში კომისიის სხდომაზე განიხილავს საკონკურსო დოკუმენტაციებს და მიღებულ გადაწყვეტილებას - კონკურსის შედეგებს წარუდგენს ბსუ-ს რექტორს (ინფორმაცია კონკურსში გამარჯვებული პირების შესახებ განთავსდება ბსუ-ს ვებგვერდზე);

ე) უფლებამოსილია ბსუ-ს სტრუქტურული ერთეულებიდან ან/და სხვა დაწესებულებიდან გამოითხოვოს კონკურსანტის შესახებ ზეპირი ან წერილობითი ინფორმაცია, რაც დაკავშირებულია წინამდებარე წესით გადაწყვეტილების მიღებასთან;

ვ) თითოეულ სხდომაზე ადგენს სხდომის ოქმს, რომელსაც ხელს აწერს თავმჯდომარე და მდივანი;

ზ) ჩატარებული კონკურსის შედეგად ღია კენჭისყრით, სიითი უმრავლესობით, იღებს გადაწყვეტილებას გამარჯვებული კონკურსანტების გამოვლენის თაობაზე და წარუდგენს ბსუ-ს რექტორს.

7. საკონკურსო კომისიის მიერ საკონკურსო დოკუმენტაცია არ განიხილება (კონკურსანტი არ შეფასდება და მოიხსნება კონკურსიდან) შემდეგ შემთხვევებში:

ა) თუკი კონკურსანტის მიერ წარმოდგენილი დოკუმენტაცია არასრულყოფილია;

ბ) თუკი კონკურსანტის წარმოდგენილი დოკუმენტი არ არის შესაბამისი ფორმის დაცვით შედგენილი (ხელმოწერა, ბეჭედი, ნოტარიული დამოწმება და ა.შ.) ან არ შეესაბამება სინამდვილეს (ყალბი აღმოჩნდა), რაც დასტურდება ბსუ-ში არსებული შესაბამისი მტკიცებულებებით;

გ) სოციალურად დაუცველ პირთა ერთიან ბაზაში კონკურსანტის რეგისტრაციის დამადასტურებელი ცნობა არ არის გაცემული საკონკურსო დოკუმენტაციის წარმოდგენის ვადის ამოწურვამდე 2 თვის ვადაში;

დ) კონკურსანტს შეჩერებული/შეწყვეტილი აქვს ბსუ-ს სტუდენტის სტატუსი;

ე) კონკურსანტი აკადემიური დავალიანების მქონე სტუდენტია ან შესრულებული აქვს შესაბამისი საგანმანათლებლო პროგრამების მოთხოვნები.

მუხლი 5. სტიპენდიის დანიშვნა და გაცემა

1. საკონკურსო კომისიის გადაწყვეტილების მიღებიდან **არაუგვიანეს 5 სამუშაო დღისა** გამოიცემა **რექტორის ბრძანება** ბსუ-ს სტუდენტთათვის ავთანდილ ბარათაშვილის **სტიპენდიის დანიშვნის თაობაზე** (ბრძანება ეცნობება შესაბამის სტუდენტს, ფაკულტეტს, იურიდიულ დეპარტამენტს, საფინანსო-ეკონომიკურ დეპარტამენტს და ქვეყნდება ბსუ-ს ვებგვერდზე).

2. ბსუ-ს რექტორის სამართლებრივი აქტის გამოცემიდან არაუგვიანეს 5 სამუშაო დღისა გამოიცემა ადმინისტრაციის ხელმძღვანელის ბრძანება ბსუ-ს სტუდენტთათვის ავთანდილ ბარათაშვილის სტიპენდიის გაცემის თაობაზე. ბრძანებას ამზადებს ბსუ-ს იურიდიული დეპარტამენტი ამ წესში აღნიშნულ სტრუქტურულ ერთეულებთან შეთანხმებით (გამოცემული ბრძანება ეცნობება შესაბამის სტუდენტს, ფაკულტეტს, საფინანსო-ეკონომიკურ დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს და ქვეყნდება ბსუ-ს ვებგვერდზე).

3. სტუდენტისათვის შემოდგომის სემესტრში დანიშნული სტიპენდიის მომდევნო (გაზაფხულის) სემესტრში გაცემის საფუძველია ამ წესის მოთხოვნებთან (საკონკურსო პირობები) სტუდენტის მონაცემების შესაბამისობა. აღნიშნული ინფორმაცია, გაზაფხულის სემესტრის დაწყებიდან არაუგვიანეს 15 დღისა, წარმოდგენილი უნდა იქნეს შესაბამისი ფაკულტეტის დეკანის მიერ (ინფორმაცია უნდა შეგროვდეს სტიპენდიანტისაგან და ბსუ-ს სტრუქტურული ერთეულებიდან).

4. წინამდებარე მუხლის მე-3 პუნქტით გათვალისწინებული ინფორმაციის საფუძველზე ბსუ-ს რექტორმა, შესაბამისი საფუძვლების არსებობის შემთხვევაში, შესაძლოა გამოსცეს ბრძანება:

ა) იმ სტიპენდიანტისათვის შემოდგომის სემესტრში სტიპენდიის დანიშვნის აქტის ძალადაკარგულად ცნობის თაობაზე, რომელიც ვერ აკმაყოფილებს ამ წესის მოთხოვნებს;

ბ) იმ პირისათვის სტიპენდიის დანიშვნის თაობაზე, რომელმაც მონაწილეობა მიიღო შემოდგომის სემესტრში გამოცხადებულ ამავე კონკურსში, აკმაყოფილებდა ამ წესის მოთხოვნებს, თუმცა ვერ გაიმარჯვა და მიმდინარე (გაზაფხულის) სემესტრშიც აკმაყოფილებს საკონკურსო პირობებს (აღნიშნული ბრძანება გამოიცემა იმ შემთხვევაში, თუკი მიმდინარე სემესტრში ბსუ-ს რექტორის მიერ გამოიცა წინამდებარე პუნქტის „ა“ ქვეპუნქტით გათვალისწინებული ბრძანება);

გ) ბსუ-ს სტუდენტთათვის ავთანდილ ბარათაშვილის სტიპენდიის (მხოლოდ გაზაფხულის სემესტრისათვის) მოსაპოვებელი ხელახალი კონკურსის გამოცხადების თაობაზე, თუკი მიმდინარე სემესტრში ბსუ-ს რექტორის მიერ გამოიცა წინამდებარე პუნქტის „ა“ ქვეპუნქტით გათვალისწინებული ბრძანება და არ არის ამავე პუნქტის „ბ“ ქვეპუნქტით გათვალისწინებული ბრძანების გამოცემის სამართლებრივი საფუძველი.

5. სტიპენდია არ გაიცემა:

ა) ბსუ-ს სტუდენტის სტატუსშეჩერებულ/სტატუსშეწყვეტილ პირზე;

ბ) დამატებითი სასწავლო სემესტრის (ვადაგაგრძელებულ) სტუდენტზე.

გ) თუ გამოვლინდა გარემოება, რომელიც გამორიცხავს სტიპენდიის დანიშვნის ან/და გაცემის შესახებ სამართლებრივი აქტის სამართლებრივ საფუძვლებს.

მუხლი 6. სტიპენდიის გაცემის შეწყვეტა

1. სტიპენდიანტი ვალდებულია საკუთარი ინიციატივით წარმოადგინოს შესაბამისი ინფორმაცია/დოკუმენტაცია, რაც ეწინააღმდეგება სტიპენდიის დანიშვნის ან/და გაცემის შესახებ სამართლებრივი აქტის საფუძვლებს. იგი ასევე ვალდებულია, ფაკულტეტის ადმინისტრაციის მოთხოვნისთანავე უზრუნველყოს ასეთი სახის ინფორმაციის/დოკუმენტის წარმოდგენა.

2. სტუდენტის აკადემიური მოსწრების/სტუდენტის სტატუსის შესახებ წარდგენილ (ასევე შემდეგში დამატებით წარმოსადგენ) მონაცემთა სიზუსტეზე პასუხისმგებელია შესაბამისი ფაკულტეტის და სტუდენტთა კარიერული განვითარების, კულტურისა და სპორტის დეპარტამენტის სტუდენტთა ელექტრონული რესურსების მართვის განყოფილების უფლებამოსილი დასაქმებული.

3. სტიპენდიანტის, ფაკულტეტის, საფინანსო-ეკონომიკური დეპარტამენტის, სტუდენტთა კარიერული განვითარების, კულტურისა და სპორტის დეპარტამენტის ან ბსუ-ს სხვა სტრუქტურული ერთეულის მიერ მოწოდებული ინფორმაციის საფუძველზე რექტორი გამოსცემს ბრძანებას სტიპენდიანტისათვის სტიპენდიის დანიშვნის თაობაზე აქტის ძალადაკარგულად/ბათილად ცნობის შესახებ, თუ აღმოჩნდება, რომ სტიპენდიის დანიშვნის შესახებ რექტორის აქტის მომზადება-გამოცემის დროისათვის ან/და დანიშვნის შემდეგ პერიოდში, სტუდენტი ვერ აკმაყოფილებდა ამ წესით გათვალისწინებული სტიპენდიის დანიშვნისათვის განსაზღვრულ მოთხოვნებს.

4. წინამდებარე წესის მოთხოვნათა დარღვევით სტიპენდიის დანიშვნის/გაცემის შემთხვევაში, გაცემული თანხის დაბრუნების შესახებ სამართლებრივ აქტს გამოსცემს ადმინისტრაციის ხელმძღვანელი.

ბსუ-ს სტუდენტთათვის ავთანდილ ბარათაშვილის სახელობის სტიპენდიის დანიშვნისა და გაცემის წესის N1 დანართი

საკონკურსო დოკუმენტაციის ნუსხა

	საკონკურსო დოკუმენტები	ეგზემპლართა რაოდენობა	დოკუმენტის ნოტარიული დამოწმება
1	სტუდენტის ავტობიოგრაფია (CV);	1	<i>არ არის სავალდებულო</i>
2	სამეცნიერო კონფერენციის, სემინარის, სიმპოზიუმის და სხვ. ღონისძიებებში მონაწილეობის დამადასტურებელი დიპლომ(ებ)ის, სიგელ(ებ)ის, სეტიფიკატ(ებ)ის და სხვ. ასლ(ებ)ი (ასეთის არსებობის შემთხვევაში)	1	<i>სავალდებულოა</i>
3	პირადობის მოწმობის ასლი	1	<i>არ არის სავალდებულო</i>
4	ცნობა სტუდენტის სტატუსის და აკადემიური მოსწრების შესახებ	1	<i>არ არის სავალდებულო</i>
5	გამოქვეყნებული ნაშრომ(ებ)ის/პუბლიკაციების ასლები (გამოქვეყნების ადგილის მონაცემების მითითებით)	1	<i>არ არის სავალდებულო</i>
6	სარეკომენდაციო წერილი	1	<i>არ არის სავალდებულო</i>
7	სოციალურად დაუცველ პირთა ერთიან ბაზაში რეგისტრაციის დამადასტურებელი ცნობა, გაცემული შესაბამისი სამსახურის მიერ, საკონკურსო დოკუმენტაციის წარმოდგენის ვადის ამოწურვამდე 2 თვის ვადაში;	1	<i>არ არის სავალდებულო</i>

შენიშვნა: მე-2 და მე-5 გრაფაში აღნიშნული დოკუმენტების დამოწმება შესაძლებელია შესაბამისი საუნივერსიტეტო სტრუქტურული ერთეულის მიერ, თუკი სამეცნიერო კონფერენცია ღონისძიება ჩატარდა ბსუ-ში, ხოლო დოკუმენტის დედნის წარმოდგენის შემთხვევაში, არ არის სავალდებულო მისი ნოტარიულად დამოწმება (კონკურსის დასრულებისა და რექტორის სამართლებრივი აქტის გამოცემის შემდეგ, სტუდენტს, მისი მოთხოვნის შემთხვევაში დაუბრუნდება წარმოდგენილი დოკუმენტების დედნები).

ბსუ-ს სტუდენტთათვის ავთანდილ ბარათაშვილის სახელობის სტიპენდიის დანიშვნისა და გაცემის წესის N 2 დანართი

ბსუ-ს სტუდენტის განცხადება ავთანდილ ბარათაშვილის სტიპენდიის მოპოვების მიზნით კონკურსში მონაწილეობის შესახებ

1.	სახელი, გვარი, პირადი ნომერი	
2.	ფაკულტეტი	
3.	სწავლების საფეხური	
4.	მიმდინარე სასწავლო წელი (კურსი)	

გავეცანი და ვეთანხმები ავთანდილ ბარათაშვილის სახელობის სტიპენდიების დანიშვნისა და გაცემის წესს, მსურ მონაწილეობა მივიღო გამოცხადებულ კონკურსში და გთხოვთ, მიიღოთ ჩემი განცხადება და შემდეგი საკონკურსო დოკუმენტაცია:

- 1) პირადობის მოწმობის ასლი;
- 2) ცნობა სტუდენტის სტატუსის/აკადემიური მოსწრების შესახებ;
- 3) სტუდენტის ავტობიოგრაფია (CV);
- 4) სოციალურად დაუცველ პირთა ერთიან ბაზაში რეგისტრაციის დამადასტურებელი ცნობა, გაცემულია ----- სამსახურის მიერ, საკონკურსო დოკუმენტაციის წარმოდგენის ვადის ამოწურვამდე ----- ვადაში;
- 5) გამოქვეყნებული ნაშრომების/პუბლიკაციის ასლები ---- ფურცელი;
- 6) სარეკომენდაციო წერილი;
- 7) სამეცნიერო ღონისძიებებში მონაწილეობის დამადასტურებელი დიპლომი, სიგელი, სერტიფიკატი და სხვ. დედანი / ნოტარიულად დამოწმებულ ასლი ---- ფურცელი; (ასეთის არსებობის შემთხვევაში);

ვადასტურებ, რომ ჩემ მიერ მოწოდებული ინფორმაცია/დოკუმენტაცია ზუსტია და არ შეიცავს ყალბ/არასწორ მონაცემებს. ამასთანავე, **თანხმობას ვაცხადებ:** ა) ბსუ-მ დაამუშაოს ჩემი პერსონალური მონაცემები გამოცხადებული კონკურსისა და კონკურსის ჩატარების წესის მოთხოვნათა აღსრულების მიზნით; ბ) ნებისმიერ დროს გადაამოწმოს მოწოდებული ინფორმაციის სიზუსტე/ნამდვილობა; გ) შევასრულო ავთანდილ ბარათაშვილის სახელობის სტიპენდიების დანიშვნისა და გაცემის წესის მოთხოვნები.

_____ ხელმოწერა:
 განმცხადებლის

თარიღი:

ბსუ-ს სტუდენტთათვის ავთანდილ ბარათაშვილის სახელობის სტიპენდიის დანიშვნისა და გაცემის წესის N 3 დანართი

კონკურსანტის ავტობიოგრაფიის (CV) ნიმუში

1.	სახელი, გვარი, პირადი ნომერი	
2.	დაბადების თარიღი (რიცხვი, თვე, წელი)	
3.	ფაკულტეტი	
4.	ბსუში ჩარიცხვის წელი	
5.	სწავლების საფეხური,	
6.	სპეციალობა/საგანმანათლებლო პროგრამა:	
7.	მიმდინარე სასწავლო წელი (კურსი)	
8.	ფაქტობრივი საცხოვრებელი ადგილი/ რეგისტრაციის ადგილი (მისამართი):	
9.	ტელეფონი და ელექტრონული ფოსტა:	

10. მიღებული შეფასებები სემესტრების მიხედვით:

№	სემესტრი	სასწავლო კურსი	შეფასება	შენიშვნა
1				
2				

11. პუბლიკაციების რაოდენობა: _____, მათ შორის საერთაშორისო სამეცნიერო ჟურნალში _____, _____ (ასეთი ინფორმაციის არსებობის შემთხვევაში).

12. პუბლიკაციების ჩამონათვალი:

№	პუბლიკაციის დასახელება	გამომცემლობა და გამოცემის წელი	პუბლიკაციის სახე (სტატია და სხვა)	თანავტორი/ხელმძღვანელი (ასეთის არსებობის შემთხვევაში)
1				
2				

13. სამეცნიერო ღონისძიებებში მონაწილეობა:

№	წელი	ღონისძიების დასახელება	ღონისძიებაზე კონკურსანტის აქტივობა (მოხსენების სათაური და სხვა)	ღონისძიების ჩატარების ადგილი
1				
2				

14. დამატებითი ინფორმაცია სურვილისამებრ: -----

კონკურსანტის ხელმოწერა:

თარიღი: